

Œufs de Boa à décorer

Ɖúu wɔɔɔ ná, nge woobó wúro-dée. Woobó wúro-dée né ge sɪsɪ : umú ɪzɔɔléɛ umú ɪcáa weení sɪ ɪɲmáa umú yalá-rɔɔzɪ né. Nge wúro sɪsɪ : óo ! Baɲmáa nya yalá-rɔɔzɪ yaá, ɪsɪ ɪn, ɪsɪ aa tɔɔ, mɔ́ɔ́ mádandɪlɪ weení sɪ ɪɲmáa nya yalá-rɔɔzɪ né. Sɪsɪ : aayɪ mɔ́ɔ́gɔ́nɪ nyɔ́ɔ́ ge. Nyónɔ́úu só ge, nge wúro woodu só, wúro woodu só ɪtízi zamɔ́o rɪɲa, nge ceení sɪsɪ : weení wánbuzɪ ku, ceení sɪsɪ : ańbuzɪ ku. Nge Ajaáyɔ́o sɪsɪ : aayɪ, umú wánbuzɪ, Ajaáyɔ́o sɪsɪ : umú wánbuzɪ.

Nge ɪsɪ tɔɔ, bilé né ngbeére ge nyónboɔ́é, nge sɪsɪ : aayɪ, asée méévéeeri nya njáa ɔ́áázi mónduúu na taɔ́ɔ́wa. A bigée nyáájáa ɔ́áázi nboná nzú lénlé sɪ baɲmáa nya yalá né, tuwú-daá ge nyánzɪ nyédeé yalá na nzú ɔ́áázi na njáa niveewú nzú ńna, na mɔ́ɔ́nɪ mónduúuna taɔ́ɔ́wa na mɔ́mɔ́o maɲmaaná yalá. Nge toovonúm waajáa ɔ́áázi, ɪcáa nimíni iboná ɪsɪ ńna, ɪcáa lím iboná ɪsɪ, sɪ ɪtuú na taɔ́ɔ́wa né nblé. Yalá we ńna, nyányɪ Ɖúu-dée yalá : ɪlé wándɔ́u né bíngí ge.

Tɔɔ, yalá náádoozo ge Ajaá waalɪzɪ sɪ ɪɲmáa, buga aaganáa rɪɲa wónduúu ge wónɔ́wúu. Tɔɔ, nge Ajaá waazúu kpeewú-daá, waazúu kpeewú-daá né ge sɪsɪ :

Sóm ɪtɔ́ sɪsɪ : báɲmáa yalá, báɲmáa, báɲmáa yalá....

Bɔ́tɔ́ we na báɲmáa yalá, báɲmáa, báɲmáa yalá.... (bis)

Nge Ɖúu sɪsɪ : Óo Ajaá nyédeé yéńdi tuna, ɲɪńɪ ge nyéndéédi bilé yé, sɪsɪ : ɪn, méndéédi yéńdi né, na bɪɲɲmáa sám-sám burɔɔzɪ ge méndéédi yéńdi. Nge Ajaáyɔ́o waɲmáa yéle kúɔ́mɔ́ɔ́ ge waagbáázi ɪwɪlɪ ɪsɪ a ńɲunáa ɔ́ɔ́ ní. Sɪsɪ : ɪn...., ɔ́éyɪ-ɔ́éyɪ nblé, bibá bidée ɲmááɔ́ nblé.

Tɔɔ, nge Ajaá waalá konkári ɪɲmáa. Yalá náádoozo ge waɲmáa bɪka ɪtɔ́ yalá rɪɲa kpátáá. Ɖúu waabá ɪbééɲ ɪzɪre weezée biiléeeri né ge Ɖúu sɪsɪ : aayɪ, mánbá magbááru mebééɲ, Ɖúu waagbáru ɪbééɲ ńɲunáa ɔ́ɔ́ né, Ajaá wónɔ́wú yalá buté. Nge walzɪ Ajaáyɔ́o ɪmá ɪfɔ́ki ke, nge kaagba tuwú-daá ɔ́ɔ́ kánɲmáa sɪsɪ : ɪsɔ́o ɪfá Ɖúu suúru yooo.... Buga yalá weená waɲmáa né, ɔ́oo né, Ɖúu ɔ́ɔ́o yém ge, ɪvulumáa ge, ɪján ɪvulumáa yém ge, waɲmáa weená né alé ge bugú ge bulá agéɔ́a-agéɔ́a agéɔ́a bilé.